

西漢會要

八



從事郎前撫州州學教授臣徐



輿服上

天子車旗皇后子附

王車黃屋左纛高紀李斐曰天子車以黃纛為左纛

之蔡邕曰以犂牛尾為之如斗或在駢頭或在衡

文帝初立奉天子法駕迎代邸本紀按三輔黃圖云天子出車駕次第謂

之鹵簿有大駕有法駕有小駕大駕則公卿奉引大將軍參乘大僕御屬車八十一乘

乘之最後一乘垂豹尾豹尾以前皆為省中備手乘萬騎出長安出祠天於甘泉備之百官有其儀注名

曰甘泉鹵簿法駕京兆尹奉引侍中參乘奉車郎御屬車三十六乘

宣帝初立大僕以軫獵車奉迎曾孫宣紀文穎曰軫獵小車前有曲

輿不衣也李奇曰蘭輿輕車也師古曰時未備天子車駕故且取其輕便耳

乘輿副車霍光傳

輜車張良傳上雖疾疆載輜車卧而護之

鸞旗在前屬車在後賈怡之傳師古曰鸞旗編以羽

刑陳於道而先行

屬車間豹尾中揚雄傳服虔曰大駕屬車八十一乘

豹尾豹尾以前皆為省中

屬車之清塵應劭曰古者諸侯戴車九乘秦滅九國

一乘師古曰屬者言相連續而不絕也塵謂行而起塵也言清者尊貴之意也見司馬相如傳

甘泉法從揚雄傳法駕也

翠鳳之駕揚雄傳師古曰天子乘車為鳳形而飾以翠羽也

千乘靈亂萬騎屈橋揚雄傳

乘鏤象六玉蚪張揖曰鏤象象路也以象牙疏鏤其

勒有似玉蚪龍子有角曰蚪拖蜺旌折羽三染以五采綴以縷靡

雲旗畫熊虎為旒於旗似雲氣前皮軒後道游皮軒之重蓋天子將出

道車五乘游車九乘言皮軒最居前而道游次皮軒之後司馬相如傳

乘輿迺登夫鳳凰兮翳華芝師古曰鳳凰者車以鳳

芝為輿也駟蒼螭兮六素蚪四六駕數也螭以龍一名虯流星旌以電

燭兮咸翠蓋而鸞旗屯萬騎於中營兮方玉車之千

乘揚雄傳方並也

張燿日之元旌揚左纛被雲梢梢與同奮電鞭駿雷輜

鳴洪鐘建五旗揚雄傳漢舊儀云皇帝車駕建五旗蓋謂五色之旗也以木牛承其下取

其負重致遠

建九旒六白虎載靈輿立歷天之旂曳捎星之旃同上

舉洪頤植靈旗同上共順旗名也

建翠華之旗司馬相如傳師古曰以翠羽為旗上葆也

羽葆韓廷壽傳

皇太后御小馬車霍光傳張晏曰皇太后所駕遊宮中輦車也漢既有果下馬高三尺

以駕輦師古曰小馬可於果下乘之故號果下馬

綠車金曰碑傳晉灼曰漢注綠車名皇孫車大子有子乘以從

大僕掌輿馬屬官有車府路軫騎馬駿馬四令丞伏

曰主乘輿路車又主小車軫今之小馬曲輿也

中大僕掌皇太后輿馬不常置並百

高宛制侯丙猜曾孫信坐出入屬車間免功臣表天子出入行

陳列屬車而輒至其間

先驅旄頭

旄旗鼓車旄頭先驅燕王旦傳師古曰九此皆天子之制又東方朔傳應劭云旄頭

以羽林為之髮正向上而長衣繡衣在乘輿前

先驅旄頭劔挺墜梁丘賀傳師古曰先驅導駕者若今之武彥隊矣

先驅光祿大夫張猛薛廣德傳胡公漢官云車駕出有請室令在前先驅

奉車

奉車都尉掌御乘輿車駙馬都尉掌駙馬百官表

夏侯嬰為大僕轉為滕令常奉車本傳

霍光為奉車都尉出則奉車本傳

百八十一二十四西漢會要二十三

杜延年久典朝政出即奉駕本傳

散騎騎並乘輿車百官表師古曰騎而散從上常職也應劭漢官曰前漢置散騎及中

常侍各一人散騎並乘輿車獻可替否

輦郎劉向傳十一為輦郎

參乘

陳平亡楚來降漢王使參乘紀師古曰乘車之法尊者居左御者居中又有

一人處車之右以備傾側是以戎事則稱車右其餘則曰驂乘驂者三也蓋取三人為名義耳

周緄以舍人從高祖常為參乘傳

文帝自代來令宋昌驂乘紀

文帝朝東宮趙談驂乘爰盎伏車前曰臣聞天子所

與共六尺輿者皆天下豪英今漢雖乏人獨奈何與

刀鋸餘人共載於是上笑下趙談談江下車盎傳
張釋之為謁者僕射文帝召驂乘徐行問秦之敝具
以質言傳

衛綰為中郎將景帝幸上林詔中郎將參乘還而問
曰君知所以得參乘乎綰曰不知也上問曰吾為大
子時召君君不肯來何也綰傳師古曰言以此時識之

宣帝始立謁見高廟大將軍光驂乘上內嚴憚若有
芒刺在背後車騎將軍張安世代光驂乘天子從容
肆體甚安近焉及光身死而宗族竟誅故俗傳之曰
霍氏之禍萌於驂乘傳

金日磾遷侍中駙馬都尉光祿大夫出則驂乘傳
西漢會要卷二十三

警趨

出稱警入言趨文三王傳師古曰警者戒肅也趨止行人也言出入者互文耳出亦有趣

儀注皇帝輦動左右侍帷幄者稱警出殿則傳趨止人清道也

出稱趨入言警韓安國傳師古曰趨止行人也警令戒肅也天子出入皆備此儀而今云

出稱趨入言警者互舉之耳

文帝拜張釋之為廷尉上行出中渭橋有一人從橋
下走乘輿馬驚於是使騎捕之屬廷尉釋之治問曰
縣人來聞蹕匿橋下久以為行過既出見車騎即走
耳釋之奏當此人犯蹕當罰金上怒曰此人親驚吾
馬馬賴和柔令它馬固不敗傷我乎而廷尉廼當之
罰金釋之曰法者天子所與天下公共也今法如是

更重之是法不信於民也且方其時上使使誅之則已今已下廷尉廷尉天下之平也壹傾天下用法皆為之輕重民安所錯其手足唯陛下察之上良久曰廷尉當是也本傳

廐馬

大僕掌輿馬屬官有大廐未央家馬三令又車府路軫騎馬駿馬四令丞又龍馬閑駒橐泉駒駉承華五

監長丞

百官表臣天麟按漢舊儀云天子六廐未央承華駒駉駉馬路軫大廐馬皆萬匹三輔黃圖

都廐天子車馬所在中廐皇后車馬所在

漢初天子不能具醇駟食貨志

文帝二年詔大僕見馬遺財足餘皆以給傳置

大ニフ之十二

西漢會要卷二十二

五

六四

元帝初元元年詔大僕減穀食馬

二年罷黃門乘輿狗馬

五年詔乘輿秣馬母之正事而已

成帝建始二年減乘輿廐馬本傳

雜錄

文帝時有獻千里馬者詔曰鸞旗在前屬車在後吉行日五十里師行三十里朕乘千里之馬獨先安之於是還馬與道里費而下詔曰朕不受獻也其令四方母求來獻賈捐之傳

武帝元鼎四年馬生渥洼水中

本紀李斐曰南陽新野有暴利長遭刑也

田數煌界數於此水旁見羣野馬中有奇者頭凡馬異來飲此水利長先祚二人持勤耕於水旁後馬既

習父之代土人持動鞞收得此馬 作天馬之歌本紀

後伐大宛得千里馬馬名蒲梢次作以為歌樂書

金日磾輸黃門養馬牽馬過殿下馬又肥好拜為馬

監本傳

上官桀遷未央殿令武帝嘗體不安及愈見馬馬多

瘦上大怒令以我不復見馬邪欲下吏桀頓首曰臣

聞聖體不安日夜憂懼誠不在馬言未卒泣數行下

上以為忠外感傳

元帝時貢禹奏言高祖孝文孝景皇帝循古節儉廢

馬百餘匹方今廢馬食粟將萬匹今民大飢而廢馬

食粟苦其大肥氣盛怒至乃日步作之願減損乘輿

西漢會要二十二

六

乘輿

服御廐馬可亡過數十匹天子納善其忠乃下詔令

大僕減食穀馬貢禹傳

百官車

漢初將相或乘牛車食貨志

景帝中六年詔曰吏者民之師也車駕衣服宜稱今

長吏二千石車朱兩轡千石至六百石朱左轡本紀

麟按後漢志云景帝詔六百石以上為車轡得銅五

未輓有吉陽笏中二千石以右驂二千石以上皂布

蓋千石以上乘馬車 朱買臣為會稽太守長安廐吏乘駟馬車來迎本傳

日故車大夫

吳楚誅後諸侯貧者或乘牛車高五王贊

黃霸為潁川太守賜車蓋特高一丈別駕主簿車緹

油屏泥於軾前以章有德傳

杜延年為御史大夫以老病乞骸骨天子優之賜安

車駟馬罷就第

本傳師古曰坐乘之車也臣天麟按後漢輿服志云公列侯安車朱斑輪

倚鹿較伏熊軾卑蓋倚鹿較者畫立鹿於車之前兩藩外也伏熊軾者車前橫軾為伏熊之形也

薛廣德為御史大夫與丞相定國大司馬車騎將軍

史高俱乞骸骨皆賜安車駟馬廣德東歸沛以為榮

垂其安車傳子孫本傳

武帝使使安車以蒲裹輪駕駟迎申公申公傳師古曰以蒲裹輪

取其安也

田千秋為相年老上優之朝見得乘小車出入宮殿

中故因號曰車丞相本傳

武帝聞故乘年老廼以安車蒲輪召乘傳

平帝元始二年王莽奏車服制度紀

雜錄

輜車張良傳師古曰衣車

廣柳車季布傳置廣柳車中服虔曰東郡謂廣轍車為廣柳車鄭氏曰作大柳衣車若周禮喪車

也子奇曰廣柳大隆穹也晉灼曰周禮說衣翬柳柳聚也衆飾之所聚也此為載以喪車欲人不知也師

古曰晉鄭二說是也隆穹所謂車輦者耳非此之謂也

輶車百乘牛車千兩貨殖傳

始元五年有一男子乘黃犢車建黃旒衣黃檐褕着

黃冒詣北闕自謂衛太子篤不疑傳

蔡義給事大將軍莫府家貧常步行資禮不逮衆門
下好事者相合爲義買犢車令乘之本傳

東平王數私出入驅馳國中王尊爲相召敕廢長大
王當從官屬鳴和鸞乃出自今有令駕小車叩頭爭
之王尊傳

楊惲家方隆盛時乘朱輪者十人本傳

韓延壽在東郡時試騎士治飾兵車畫龍虎朱爵延
壽衣黃袍方領駕四馬傳總建幢祭植羽葆鼓車歌
車功曹引車皆駕四馬載祭戟五騎爲伍分左右部
軍假司馬千人持幢旁轂治飾車甲三百萬以上蕭
望之劾延壽上僭不道本傳

哀帝召龔勝爲諫大夫勝薦龔舍竈壽侯嘉有詔皆
召勝曰竊見國家騁賢巫常爲駕騁賢者宜駕上曰
大夫乘私車來邪勝曰唯唯有詔爲駕

韋元成以列侯侍祀孝惠廟當晨入天雨淖不駕駟
馬車而騎至廟下有司劾奏等輩數人皆削爵爲關
內侯元成自傷貶黜父爵作詩自劾責曰惟我小子
不肅會同媿彼車服黜此附庸四方羣后我監我視
威儀車服惟肅是履本傳

鮑宣爲豫州牧行部乘傳去法駕駕一馬舍宿鄉亭
爲衆所非宣坐免鮑宣傳

王氏一姓乘朱輪華轂者二十三人劉向傳

王莽謁九廟大駕乘六馬以五采毛爲龍文衣著角
長三尺華蓋車元戎十乘在前

王莽傳

西漢會要卷第二十三

西漢會要卷第二十四

從事郎前撫州州學教授臣徐天麟上進

輿服下

天子冠服

高祖以竹皮為冠令求盜之薛治時時冠之及貴常

冠所謂劉氏冠也八年令爵非公乘以上毋得冠劉

氏冠本紀臣麟按後漢輿服志云劉氏冠楚冠制也

服尊敬之謂也

高皇帝所述書天子所服第八天子衮服之制也曰

大謁者臣章受詔長樂宮曰令羣臣議天子所服相

國臣何等議曰春夏秋天子所服當法天地之數

西漢會要

中得人和臣請法之中謁者趙堯舉春李舜舉夏兒

湯舉秋貢禹舉冬四人各職一時大謁者襄奏制曰

可辨相傳服度曰主一時衣服禮物朝祭百事

文帝身衣弋綈本贊又賈誼云帝之身自衣皂綈

孝文身衣弋綈足履革舄以韋帶劔葱蒲為席兵木

無刃衣緼無文東方朔傳

聖文躬服節儉綈衣不敝革鞜不穿揚雄傳

昭帝元鳳四年帝加元服本紀師古曰元尊也冠者首之所著故口元服

皇太后賜御府衣迎宣帝紀按少府屬官有御府

元帝初元五年罷齊三服官紀李斐曰齊國舊有三服官春獻冠幘縱為首

服緇素為冬服輕緇為夏服臣麟按貢禹傳禹奏故時齊三服官輸物不過十笥方今齊三服官作工各

子數千一歲費數年萬天子納其言罷齊三服宮

百官冠服

爵非公乘以上毋得冠劉氏冠

景帝中六年詔曰吏者民之師也車駕衣服宜稱亡者或不吏服出入閭里與民亡異令長吏車騎從

上其官屬二輔舉不如法令者

皐衣谷永傳曰陛下擢之單衣之吏蕭望之曰張敞備皐衣二十餘年如淳曰雖有五時服至朝皆

着皐衣

直指使者衣繡衣持斧武紀

柱後惠文張敞傳當以柱後惠文彈治之耳晉灼曰漢注法冠也一號柱後惠文以纒裹鐵柱

西漢會紀四卷

卷秦制執法服今御史服之謂之解馬一角今冠兩角以解馬為名耳師古曰纒即今方目紗也山尔反

卷去權反

郎侍中皆鷄鶩冠貝帶皮幸傳師古曰以鷄鶩毛羽飾冠司馬相如傳師古曰鷄

鶩鷄鳥也似山鷄而小鷄背毛黃腹下赤頸緋色其尾毛紅赤光采鮮明今俗呼為山鷄其實非也

貂羽黃金附蟬燕王旦傳汁云侍中之飾

司隸冠進賢冠百官表

仄注冠五行志李奇注云仄注冠曰高山冠齊冠也獨者服

皮弁素績孝平王后傳劉歆以下四十九人賜皮弁

之弁合也素績謂素裳也朱衣而素裳字或作績績謂裝績之若今之撰為也

方山冠五行志鄧長曰方山冠以五采綴為之樂舞人所服

雜錄

武安侯田恬坐衣襜褕入宮不敬免

外戚表師古曰襜褕直裾褕衣也

朱博為刺史敕功曹官屬多壞衣大袒不中節度自

今掾史衣皆令去地三寸傳

叔孫通儒服漢王憎之廼變其服服短衣楚製傳

婁敬見高祖寔將軍欲與鮮衣敬曰臣衣帛衣帛見

衣褐衣褐見不敢易衣婁敬傳

江充召見願以所常被服冠見武帝許之充衣紗縠

澤衣曲裾後垂交輸冠禪纚步搖冠飛翾之纓傳

雋不疑見暴勝之冠進賢冠帶櫛具劔佩環玦褰衣

博帶盛服至門上謁傳

董偃緣幘傳講東方朔傳應劭曰宰人服也韋昭曰講形如射講以縛左右手於事便也

三十八

西漢五十四

三

吳文

師古曰緣幘賤人之服也傳着也即今之臂講也

臣庶衣服

漢初定與民無禁

叙傳師古曰國家不設車旗衣服之禁

高祖八年賈人毋得衣錦繡綺縠絺紵記

文帝時賈誼上疏言今民賣僮者為之繡衣絲履偏

諸緣內之閑中是古天子后服所以廟而不宴者也

而庶人得以衣婢妾白縠之表薄綺之裏縑以偏諸

美者黼繡是古天子之服今富人大賈嘉會召客者

以被牆庶人屋壁得為帝服倡優下賤得為后飾帝

之身白衣卓綈而富民牆屋被文繡天子之后以繡

其領燕人夔妾緣其履此臣所謂舛也傳

成帝永始四年詔公卿列侯多蓄奴婢被服綺縠車服過制申敕有司以漸禁之青綠民所常服且勿止紀

成帝微行私奴客皆白衣袒犢帶刀持劍五行志

白衣龔勝傳師古曰白衣給官府趨走賤人若今諸司亭長掌固之屬

璽

漢元年十月沛公至霸上秦王子嬰封皇帝璽符節

降柵道旁本紀又霍光傳注云漢初有三璽天子之璽自佩行璽信璽在符節臺又漢舊儀云

皇帝六璽皆白玉螭虎紐文曰皇帝行璽皇帝之璽皇帝信璽天子行璽天子之璽天子信璽

代王至周勃跪上天子璽文帝紀

符璽御史周昌傳趙堯為符璽御史百官表去其御史尚符璽者有印綬

霍光輔少主殿中嘗有怪一夜羣臣相驚光召尚符

璽郎恐有變難欲收取璽郎不肯授光光欲奪之郎按劍曰臣

頭可得璽不可得也光傳

霍光奏昌邑王受皇帝信璽行璽大行前就次發璽

不封光傳

初高祖入咸陽至霸上秦王子嬰降於軹道奉上始

皇璽及高祖誅項籍即天子位因御服其璽世世傳

受號曰漢傳國璽以孺子未立璽藏長樂宮及莽即

位請璽太后不肯授莽莽使安陽侯舜諭指舜素謹

敕太后雅愛信之舜既見太后知其為莽求璽怒罵

之曰而屬父子宗族蒙漢家力富貴累世既無以報

受人孤寄乘便利時奪取其國不復顧恩義人如此

者狗豬不食其餘天下豈有而兄弟邪且若自以金匱符命為新皇帝變更正朔服制亦當自更作璽傳之萬世何用此亡國不祥璽為而欲求之我漢家老寡婦旦暮且死欲與此璽俱葬終不可得太后因涕泣而言旁側長御以下皆垂涕舜亦悲不能自止良廼仰謂太后臣等已無可言者莽必欲得傳國璽太后寧能終不與邪太后聞舜語切恐莽欲脅之廼出漢傳國璽投之地以授舜曰我老已死知而兄弟今族滅也舜既得傳國璽奏之莽大說廼為太后置酒未央宮漸臺大縱眾樂元后傳

羣臣璽綬印

西漢二十四

手

吳文

諸侯王金璽蓋綬

蓋音庚綠也漢舊儀云諸侯王金璽蓋素佗紐文曰璽

相國丞相金印紫綬高帝十一年更名相國綠綬

大師大傅大保大尉左右前後將軍金印紫綬

御史大夫銀印青綬

凡吏秩比二千石以上皆銀印青綬光祿大夫無秩

比六百以上皆銅印黑綬大夫博士御史謁者郎無

其僕射御史治書尚符璽者有印綬比二百石以上

皆銅印黃綬綬和元年長相皆黑綬建平二年復黃

綬百官表

武帝大初元年改正朔數用五

紀注云謂印文也若丞相曰丞相用之印章

諸卿及守相印文不足五字者以之足之

揚僕懷銀黃垂三組銀銀印也黃金印也

宣帝始賜單于印璽與天子同食貨志上

匈奴故印文曰匈奴單于璽本傳王莽更曰新匈奴單于章

方寸之印丈二之組鎮撫海內傳助

印鞞陳遵傳謂印之組也

符節

天子璽符節高紀師古曰符謂諸所合符以為契者節也節以毛為之上下相重取象竹節將

命者持之以為信

高祖與功臣剖符作誓紀

文帝二年初與郡守為銅虎符竹使符紀應劭曰銅虎符第一至

第五國家當發兵遣使者至郡合符符合乃驥受之竹使符皆以竹箭五枚長五寸鐫刻篆書第一至第

五張晏曰符以代古之圭璋從簡易也師古曰與郡守為符者謂各分其半右留京師左以與之使音所

更反

武帝征和二年更節加黃旌初漢節純赤以矣天子

持赤節故更為黃旌加上以相別本紀及劉屈氂傳

少府屬官有符節令丞百官表

襄平侯紀通尚符節呂后紀

齊王欲發兵誅諸呂魏勃曰王欲發兵非有漢虎符

驗也高五王傳

七國敗弓高侯詰膠西王卬曰未有詔虎符擅發兵

王其自圖之吳王濞傳

武帝曰吾新即位不欲出虎符發兵郡國嚴助傳

御史中丞劾馮野三持虎符出界歸家遂免

淮南王盜寫虎符賈捐之傳

關越王弟餘善殺王以降遣使者上符節請所立嚴助傳

伍符馮唐傳伍伍相保之符也

衛太子擅發兵盧賀坐受太子節掠死功臣表

任安坐受太子節懷二心要斬劉屈氂傳

霍光奏昌邑王自之符璽取節十六朝暮臨從官持

節從李傳

關傳

文帝十二年除關無用傳紀張晏曰傳信也若今過所也師古曰古者或用

或用繒帛者刻木為符也

景帝四年復置諸關用傳出入紀應劭曰以十國新反備非常

宣帝本始四年詔曰今歲不登民以車舡載穀入關

者得毋用傳紀

竊成詐刻傳出關本傳

終軍從濟南當詣博士步入關關吏予軍繻軍問以

此何為吏曰為復傳還當以合符軍曰大丈夫西游

終不復傳還棄繻而去軍為謁者使行郡國建節

出關吏識之曰此使者廼前棄繻生也本傳

西漢會要卷第二十五

從政郎前撫州州學教授臣徐

天麟

上進

學校上

大學

高帝尚有干戈平定四海未遑庠序之事

儒林傳序

武帝興大學

本贊臣天麟按三輔黃圖云大學在長安西北七里有市有獄

董仲舒對策曰養士之大者莫大乎大學大學者賢

士之所關也教化之本原也願陛下興大學置明師

以養天下之士武帝立學校之官皆自仲舒發之

本傳

元朔五年制曰蓋聞導民以禮風之以樂婚姻者居

室之大倫也今禮廢樂崩朕甚愍焉故詳延天下方

聞之士咸登諸朝其令禮官勸學講議洽聞舉遺興

禮以為天下先大常議子博士弟子崇鄉里之化以

厲賢材焉謹與大常臧博士平等議曰聞三代之道

鄉里有教夏曰校殷曰庠周曰序其勸善也顯之朝

廷其懲惡也加之刑罰故教化之行也建首善自京

師始繇內及外今陛下昭至德開大明配天地本人

倫勸學興禮崇化厲賢以風四方太平之原也古者

政教未洽不備其禮請因舊官而興焉為博士官置

弟子五十人復其身太常擇民年十八以上儀狀端

正者補博士弟子郡國縣官有好文學敬長上肅政

教順鄉里出入不悖所聞令相長丞上屬所二千石

二千石謹察可者出與計偕詣大常得受業如弟子
一歲些輒課能通一藝以上補文學掌故闕其高第
可以爲郎中大常籍奏即有秀才異等輒以名聞其
不事學若下材及不能通一藝輒罷之而請諸能稱
者臣謹按詔書律令下者明天人分際通古今之誼
文章爾雅訓辭深厚恩施甚美小吏淺聞弗能究宣
云以明布諭下以治禮掌故以文學禮義爲官遷留
滯請選擇其秩比二百石以上及吏百石通一藝以
上補左右內史大行卒史比百石以下補郡太守卒
史皆各二人邊郡一人先用誦多者不足擇掌故以
補中二千石屬文學掌故補郡屬備員請著功令它
如律令制曰可自此以來公卿大夫士吏彬彬多文
學之士矣昭帝時舉賢良文學增博士弟子員滿百
人宣帝末增倍之元帝好儒能通一經者皆復數年
以用度不足更爲設員千人郡國置五經百石卒史
成帝末或言孔子布衣養徒三千人今天子大學弟
子少於是增弟子員三千人歲餘復如故平帝時王
莽秉政增元士之子得受業如弟子勿以爲員歲課
甲科四十人爲郎中乙科二十人爲太子舍人丙科
四十人補文學掌故云

儒林傳序

武帝立五經博士開弟子員設科射策訖于元始一

儒林傳贊

元帝初元五年罷博士弟子毋置負以廣學者永光三年冬復博士弟子負紀

辟廱

武帝封泰山還兒寬上壽曰間者聖統廢絕陛下發

憤祖立明堂辟廱兒寬傳師古曰祖始也

河間獻王來朝獻雅樂對三雍宮景十三王傳應劭曰辟廱明堂靈臺

也雍和也言天地君臣人民皆和也

成帝時捷為郡於水濱得古磬十六枚劉向因是說

上宜興辟廱設庠序陳禮樂隆雅頌之聲盛稱遜之

容以風化天下成帝以向書下公卿議會向病卒丞

相大司空奏請立辟廱案行長安城南營表未作遭

西漢書卷之五十五

成帝崩羣臣引以定謚及王莽為宰衡欲耀眾庶遂

興辟廱因以篡位世祖中興廼營立明堂辟廱顯宗

即位躬行其禮養三老五更於辟廱威儀既盛美矣

禮樂志臣天麟按三輔黃圖漢辟廱在長安西北七里河間獻王來朝獻雅樂武帝對之三雍宮即此

平帝元始五年劉歆孔永孫遷平晏四人使治明堂

辟廱得萬國驩心侯各千戶恩澤奏表

郡國學

文翁為蜀郡守仁愛好教化見蜀地辟陋有蠻夷風

文翁欲誘進之乃選郡縣小吏開敏有材者張叔等

十餘人親自飭厲遣詣京師受業博士或學律令減

省少府用度買刀布蜀物齎計吏以遺博士數歲蜀

生皆成就還歸文翁以爲右職用次察舉官有至郡
守刺史者又修起學官於成都市中招下縣子弟以
爲學官弟子爲除更繇高者以補郡縣吏次爲孝弟
力田常選學官僮子使在便坐受事每出行縣益從
學官諸生明經飭行者與俱使傳教令出入閭閻縣
邑吏民見而榮之數年爭欲爲學官弟子富人至出
錢以求之繇是大化蜀地學於京師者比齊魯焉至
武帝時乃令天下郡國皆立學校官自文翁爲之始
云循吏傳

元帝郡國置五經百石卒史儒林序

平帝元始三年立學官郡國曰學邑侯國曰校校學

三、八二

西漢書卷二十五

四

家

置經師一人鄉曰庠聚曰序序庠置孝經師一人紀
何武爲刺史行部必先即學官見諸生試其誦論問
以得失武傳

圖書上

漢興改秦之敝大收篇籍廣開獻書之路迄孝武世
書缺簡脫禮壞樂崩聖上喟然而稱曰朕甚閔焉於
是建藏書之策置寫書之官下及諸子傳說皆充秘
府至成帝時以書頗散亡使謁者陳農求遺書於天
下詔光祿大夫劉向校經傳諸子詩賦步兵校尉任
宏校兵書大史令尹咸校數術待醫李柱國校方技
每一書已向輒條其篇目撮其指意錄而奏之會向

卒哀帝復使向子侍中奉車都尉歆卒父業歆於是
總羣書而奏其七略故有輯略有六藝略有諸子略
有詩賦略有兵書略有術數略有方技略今刪其要
以備篇籍藝文志
下同

凡易十三家二百九十四篇易道深矣人更三聖世
歷三古及秦燔書而易爲筮卜之事傳者不絕漢興
田何傳之訖于宣元有施孟梁丘京氏列於學官而
民間有費高二家之說劉向以中古文易經校施孟
梁丘經或脫去無咎悔亡唯費氏經與古文同

凡書九家四百一十二篇書之所起遠矣至孔子纂
焉上斷於堯下訖于秦凡百篇而爲之序言其作意

秦燔書禁學濟南伏生獨壁藏之漢興亡失求得二
十九篇以教齊魯之間訖孝宣世有歐陽大小夏侯
氏立於學官古文尚書者出孔子壁中武帝末魯共
王壞孔子宅欲以廣其宮而得古文尚書及禮記論
語孝經凡數十篇皆古字也共王入往其宅聞鼓琴
瑟鐘磬之音於是懼乃止不壞孔安國孔子後也悉
得其書以考二十九篇得多十六篇安國獻之遭巫
蠱事未列于學官劉向以中古文校歐陽大小夏侯
三家經文酒誥脫簡一召誥脫簡二率簡二十五字
者脫亦二十五字簡二十二字者脫亦二十二字文
字異者七百有餘脫字數十書者古之號令號令於

衆其言不立具則聽受施行者弗曉古文讀應爾雅故解古今語而可知也

凡詩六家四百一十六卷漢興魯申公爲詩訓故而齊轅固燕韓生皆爲之傳或取春秋采雜說咸非其本義與不得已魯最爲近之三家皆列於學官又有毛公之學自謂子夏所傳而河間獻王好之未得立凡禮十三家五百五十五篇漢興魯高唐生傳士禮十七篇訖孝宣世后倉最明戴聖慶普其弟子三家立於學官禮古經多出於魯淹中及孔氏學七十篇文相似多三十九篇及明堂陰陽王史氏記所見多天子諸侯卿大夫之制雖不能備猶喻倉等推士禮而致於天子之說

凡樂六家百六十五篇漢興制氏以雅樂聲律世在樂官頗能紀其鏗鏘鼓舞而不能言其義六國之君魏文侯最爲好古孝文時得其樂人竇公獻其書乃周官大宗伯之大司樂章也武帝時河間獻王好儒與毛生等共采周官及諸子言樂事者以作樂記獻八佾之舞與制氏不相遠其內中丞王定傳之以授常山王禹禹成帝時爲謁者數言其義獻二十四卷記劉向校書得樂記二十二篇與禹不同其道寔以益微

凡春秋二十三家九百四十八篇周室既微載籍殘

缺仲左與左丘明觀魯史記因興以立功就敗以成
罰立明論本事而作傳及末世有公羊穀梁鄒夾之
傳四家之中公羊穀梁立於學宮鄒氏無師夾氏未
有書

凡論語十二家二百二十九篇漢興有齊魯之說傳
齊論者昌邑中尉王吉少府宋畸御史大夫貢禹尚
書今五鹿充宗膠東庸生唯王陽名家傳魯論語者
常山都尉龔奮魯長信少府夏侯勝丞相韋賢魯扶卿
前將軍蕭望之安昌侯張禹皆名家張氏最後而行
於世

凡孝經十一家五十九篇漢興長孫氏博士江翁少

四升

西史更之六五

卷四十一

府后倉諫大夫翼奉安昌侯張禹傳之各自名家經
文皆同唯孔氏壁中古文為異父母生之續莫大焉
故親生之膝下諸家說不安處古文字讀皆異

凡小學十家三十五篇古者八歲入小學故周官保
氏掌養國子教之六書謂象形象事象意象聲轉注
假借造字之本也漢興蕭何草律亦著其法曰大史
試學童能諷書九千字以上乃得為史又以六體試
之課最者以為尚書御史史書令史吏民上書字或
不正輒舉劾六體者古文奇字篆書隸書繆篆蟲書
皆所以通知古今文字摹印章書幡信也漢興閭里
書師合蒼頡爰歷博學三篇斷六十字以為一章凡

五十五章并爲蒼頡篇武帝時司馬相如作凡將篇無復字元帝時黃門令史游作急就篇成帝時將作大匠李長作元尚篇皆蒼頡中正字也凡將作則頗有出矣至元始中召天下通小學以百數各令記字於庭中楊雄取其有用者以作訓纂篇順續蒼頡又易倉頡中重複之字凡八十九章臣復續揚雄作十三章凡一百二章無復字六藝羣書所載略備矣蒼頡多古字俗師失其讀宣帝時召齊人能正讀者張敞從受之傳至外孫之子杜林爲依訓故并列焉凡六藝一百二家三千一百二十三篇

西漢會要卷第二十六

從事郎前撫州州學教授徐天麟上進



學校下

圖書下

儒五十三家八百三十六篇

道三十七家九十三篇

陰陽二十一家三百六十九篇

法十家二百一十七篇

名七家三十六篇

墨六家八十六篇

從橫十二家百七篇

二十五

雜二十家四百三篇

農九家百一十四篇

小說十五家千三百八十篇

凡諸子百八十九家四千三百二十四篇

賦二十家三百六十一篇

賦二十一家二百七十四篇

賦二十五家百三十六篇

雜賦十二家二百三十三篇

歌詩二十八家三百一十四篇

凡詩賦百六家千三百一十八篇

兵權謀十三家二百五十九篇

兵形執十一家九十二篇圖十八卷

陰陽十六家二百四十九篇

兵技巧十三家百九十九篇

凡兵書五十三家七百九十篇圖四十三卷漢興

張良韓信序次兵法凡百八十二家刪取要用定

著三十五家諸呂用事而盜取之武帝時軍政楊

僕捃撫遺逸紀奏兵錄猶未能備至于孝成命任

宏論次兵書爲四種

天文二十一家四百四十五卷

歷譜十八家六百六卷

五行三十一家六百五十二卷

二十八

西漢會要二十六

二

尊

著龜十五家四百一卷

雜占十八家三百一十三卷

形法六家百二十一卷

凡數術百九十家二千五百二十八卷

醫經七家二百一十六卷

經方十一家二百七十四卷

房中八家百八十六卷

神仙十家二百五卷

凡方技三十六家八百六十八卷

六凡書六略三十八種五百九十六家萬三之一二百

六十九卷

並藝文志

雜錄

漢元年高祖入關蕭何盡收秦丞相府圖籍文書本紀

惠帝四年除挾書律本紀

御史中丞在殿中蘭臺掌圖籍祕書百官表臣天麟謹按通典云漢凡

圖書所在有石渠石室延閣廣內貯之於外府又有御史中丞居殿中掌蘭臺祕書及麒麟天祿二閣藏

之於內禁

成帝河平三年劉向校中祕書謁者陳農使使求遺

書於天下本紀臣天麟謹按劉歆七略云外則有大常大史博士之藏內則有延閣廣內祕丞之府

史記石室金匱之書司馬遷傳

蘇昌為大常坐籍霍山書泄祕書免百官表師古口以祕書借霍山

霍山坐寫祕書自殺光傳

二十九上

西漢會要卷十六

金

河間獻王脩學好古實事求是從民得善書必為好

寫與之留其真加金帛賜以招之繇是四方道術之

人不遠千里或有先祖舊書多奉以奏獻王者故得

書多與漢朝等是時淮南王安亦好書所招致率多

浮辯獻王所得書皆古文先秦舊書周官尚書禮禮

記孟子老子之屬皆經傳說記七十子之徒所論其

學舉六藝立毛氏詩左氏春秋博士脩禮樂被服儒

術造次必於儒者山東諸儒多從而遊本傳

講論經義校麟附

瑕丘江公受穀梁春秋及詩於魯申公傳子至孫為

博士武帝時江公與董仲舒竝仲舒通五經能詩論

善屬文江公呐於口上使與仲舒議不如仲舒而丞相公孫弘本爲公羊學比輯其議卒用董生於是上因尊公羊家詔大子受公羊春秋由是公羊大興大子旣通復私問穀梁而善之其後浸微唯魯榮廣王孫皓星公二人受焉廣盡能傳其詩春秋高材捷敏與公羊大師眭孟等論數困之故好學者頗復受穀梁沛蔡千秋少君梁周慶幼君丁姓子孫皆從廣受千秋又事皓星公爲學最著宣帝即位聞衛大子好穀梁春秋以問丞相韋賢長言少府貢侯勝及侍中樂陵侯史高皆魯人也言穀梁學亦本魯學公羊氏廼齊學也宜興穀梁時千秋爲率召見與公羊家竝說

上善穀梁說擢千秋爲諫大夫等事中後有過左遷平陵令復求爲穀梁者莫及千秋上敗其學且絕廼以千秋爲郎中戶將選郎十人從受汝南尹更始翁君本自事千秋能說矣會千秋病死召江公孫爲博士劉向以故諫大夫通達待詔受穀梁欲令助之江元康中始講至甘露元年籍一經義皆明習廼召五經名儒大子大傅蕭望之等十人議興中平公羊穀梁同異各以經處是非時公羊博士嚴彭祖侍郎申軌伊推宋顯穀梁議郎尹更始待詔劉向周慶丁姓竝論公羊家多不見從願請內侍郎許廣使者亦竝內

穀梁家中郎王亥各五人議三十餘事望之等十一人各以經誼對多從穀梁由是穀梁之學大盛儒林傳

孝宣甘露二年三月詔諸儒講論五經同異太子大傅蕭望之等平奏其議上親稱制臨決焉紀

韋元成拜淮陽中尉受詔與蕭望之及五經諸儒雜論同異於石渠閣條奏其對元成傳曰蕭望之按三輔黃圖云石渠閣蕭何造

其下益一石為渠以導水若今御溝因為閣名所藏入關所得秦之圖籍至成帝又於此藏書焉天祿閣藏典籍之所漢宮殿疏云天祿麒麟閣蕭何造以藏書要賢才也

施雠受王孫易為博士甘露中與五經諸儒雜論同異於石渠閣本傳

梁丘臨傳賀易甘露中奉使問諸儒於石渠梁丘賀傳

歐陽地餘傳尚書為博士論石渠歐陽生傳

林尊為博士論石渠傳

周堪與孔霸俱事大夏侯勝論於石渠經為最高堪傳

張山初事小夏侯建為博士論石渠本傳

張生薛廣德以魯詩論石渠王式傳

戴德號大戴聖號小戴以博士論石渠孟卿傳

聞人通漢以太子舍人論石渠上

劉向受穀梁講論五經於石渠本傳注云三輔舊事石渠閣在未央宮大

殿北以藏秘書

五經雜議十八篇

書議奏四十二篇

禮議奏二十八篇

春秋議奏二十九篇

論語議奏十八篇

並見藝文志注云
宣帝時石渠論

少府五鹿充宗貴幸為梁丘易自宣帝時善梁丘氏說元帝好之欲考其異同令充宗與諸易家論充宗乘貴辯口諸儒莫能與抗皆稱疾不敢會有薦朱雲者召入攝齋登堂抗首而請音動左右既論難連柱五鹿君故諸儒為之語曰五鹿嶽嶽朱雲折其角繇是為博士

朱雲傳

成帝河平三年詔光祿大夫劉向校經傳諸子詩賦步兵校尉任宏校兵書太史令尹咸校數術侍醫李柱國校方伎每一書已向輒條其篇目撮其指意錄而奏之會向卒子歆卒父業歆於是總羣書而奏其

三五其小州九

西漢書要二十六

六

虞仁

七略有輯略有六藝略有諸子略有詩賦略有兵書

略有術數略有方伎略

藝文志

班伯受詩於師丹大將軍王鳳薦伯宜勸學召見宴昵殿容貌甚麗誦說有法拜為中常侍時上方鄉學鄭寬中張禹朝夕入說尚書論語於金華殿中詔伯受焉既通大義又講異同於許商遷奉車都尉數年金華之業絕出

叙傳

揚雄校書天祿閣

本贊

國史

楚漢春秋九篇

陸賈所傳

高祖傳十三篇

高祖與大目述古語及詔策也

孝文傳十一篇文帝所稱及詔策

大史公百三十篇十篇有錄無書

馮商所續大史公七篇商受詔續

漢著記百九十卷師古曰若今之起居注

漢大年紀五篇已上並執文志

史記石室金縢之書司馬遷傳

柱下方書張蒼為御史主柱下方書

大常屬官有大史令丞

司馬氏世典周史至談為大史公大史公仕於建元

元封之間如淳曰漢儀注大史公武帝置位在丞相

如古春秋遷死後宣帝以其官為令行大史公文書而已晉灼曰百官表無大史公在丞相上又衛宏所

說多不實未可以為正師古曰談為大史大史公既

令耳遷尊其父故謂之為公如談非也掌夫官不治民有子曰遷遷生龍門耕牧河山之陽

年十歲則誦古文二十而南遊江淮上會稽探禹穴

窺九疑浮沅湘北涉汶泗講業齊魯之都觀夫子遺

風鄉射鄒嶧院困蕃薛盡城通梁楚以歸於是遷仕

為郎中奉使西征巴蜀以南略邛笮昆明還報命是

歲天子始建漢家之封而大史公留滯周南不得與

從事發憤且卒而子遷適反見父於河雒之間大史

公執遷手而泣曰予先周室之大史也自上世嘗顯

功名虞夏典天官事後世中衰絕於予乎女復為大

史則續吾祖矣今天子接千歲之統封泰山而予不

得從行是命也夫命也夫子死爾必爲大史毋忘吾
所欲論著矣且夫孝始於事親中於事君終於立身
揚名於後世以顯父母此孝之大也夫天下稱周公
言其能論歌文武之德宣周召之風達大王王季思
慮爰及公劉以尊后稷也幽厲之後王道缺禮樂衰
孔子脩舊起廢論詩書作春秋則學者至今則之自
獲麟以來四百有餘歲而諸侯相兼史記放絕今漢
興海內壹統明主賢君忠臣義士予爲大史而不論
載廢天下之文予甚懼焉爾其念哉遷俯首流涕曰
小子不敏請悉論先人所次舊聞不敢闕卒三歲而
遷爲大史令紬史記石室金縢之書五年而當大初
元年十一月甲子朔旦冬至天歷始吹建於明堂諸
神受記大史公曰先人有言自周公卒五百歲而有
孔子孔子至于今五百歲有能紹而明之正易傳繼
春秋本詩書禮樂之際意在斯乎意在斯乎小子何
敢遜焉於是論次其文卒述陶唐以來至于麟止自
黃帝始建漢繼五帝末流接三代絕業周道旣廢秦
撥去古文焚滅詩書故明堂石室金縢玉版圖籍散
亂漢興蕭何次律令韓信申軍法張蒼爲章程叔孫
通定禮儀則文學彬彬稍進詩書往往間出自曹參
薦蓋公言黃老而賈誼朝錯明申韓公孫弘以儒顯
百年之間天下遺文古事靡不畢集大史公仍父子

相繼纂其職曰於戲余維先人嘗掌斯事顯於唐虞
至于周復典之故司馬氏世主天官至于余乎欽念
哉罔羅天下放失舊聞王迹所興原始察終見盛觀
衰論考之行事略三代錄秦漢上記黃帝下至于茲
著十二本紀既科條之矣並時異世年差不明作十
表禮樂損益律歷改易兵權山川鬼神天人之際承
敝通變作八書二十八宿環北辰三十輻共一轂運
行無窮輔弼股肱之臣配焉忠信行道以奉主上作
三十世家扶義倣儻不令已失時立功名於天下作
七十列傳凡百三十篇五十二萬六千五百字為大
史公書序略以拾遺補藝成一家言協六經異傳齊

大史公書序略 西漢會要二一六一 九 虞泉

百家雜語藏之名山副在京師以竣後聖君子而十

篇闕有錄無書張晏曰遷沒之後亡景紀武紀禮書

列傳三王世家龜策列傳傳斯列傳元成之間褚先生

非遷本意也師古曰序曰本無兵書張云亡失此遷

既死後其書稍出宣帝時遷外孫平通侯楊惲祖述

其書遂宣布焉司馬遷傳

賜書諸侯王求書附

班歆進讀羣書成帝賜以祕書之副叙

東平思王來朝上疏求諸子及大史公書上以問大

將軍王鳳對曰臣聞諸侯朝聘考文章正法度非禮

不言今東平王幸得來朝不思制節謹度以防危失

而求諸書非朝聘之義也諸子書或反經術非聖人
或明鬼神信物怪大史公書有戰國從橫權譎之謀
漢興之初謀臣竒策天官災異地形院塞皆不宜在
諸侯王不可予不許之辭宜曰五經聖人所制萬事
靡不畢載王審樂道傳相皆儒者旦夕講誦足以正
身虞意夫小辯破義小道不通致遠恐泥皆不足以
留意諸益於經術者不受於王對奏天子如鳳言遂
不與宣元六
王傳

黜百家

孝武初立卓然罷黜百家表章六經贊本

董仲舒對策曰春秋大一統者天地之常經古今之

三

西漢會要二十一

六

十

庚辰

通誼也今師異道人異論百家殊方指意不同是以
上亡以持一統法制數變人不知所守且愚以為諸
不在六藝之科孔子之術者勿使並進邪辟之說滅
息然後統紀可一而法度可明民知所從矣傳

建元元年丞相綰奏所舉賢良或治申商韓非蘇秦
張儀之言亂國政請皆罷奏可武紀

